

重修廣平府志卷五十五

列女傳一

周至明

周

趙括母馬服君奢妻

秦與趙相距長平秦數敗趙軍趙王信秦之間秦之間言曰秦之所

惡獨畏馬服君趙奢之子趙括爲將耳趙王因以括爲將括自少時學兵法言兵事以天下莫能當嘗與其父奢言兵事奢不能難然不謂善括母問其故奢曰兵死地也而括易言之使趙不將括卽已若必將之破趙軍者必括也及括將行其母上書言於王曰括不可使將王曰何以對曰始妾事其父時爲將身所奉飯飲而進食者以十數所友者以百數大王及宗室所賞賜者盡以予軍吏士大夫受命之日不問家事今括一旦爲將東向而朝軍吏無敢仰視之者王所賜金帛歸藏於家而日視便利田宅可買者買之王以爲何如其父願王勿遣王曰母置之吾已決矣括母因曰王終遣之卽有如不稱妾得無隨坐乎王許諾趙括旣代廉頗悉更約

東易置軍吏秦將白起聞之縱奇兵佯敗走而絕其糧道分斷其軍爲二士卒離心四十餘日軍餓趙括出銳卒自搏戰秦軍射殺趙括括軍敗趙王以括母先言竟不誅也 史記趙奢傳

王仁妻秦氏名羅敷邯鄲人

仁爲趙王家令羅敷出採桑於陌上趙王登臺見而

悅之因置酒欲奪焉羅敷巧彈箏乃作陌上桑歌以自明其志趙王乃止 崔豹古今注 陌上桑詩日出東

南隅照我秦氏樓秦氏有好女自名爲羅敷羅敷喜顰桑採桑城南隅青絲爲籠繫桂枝爲籠鉤頭上倭墮髻耳中明月珠湘綺爲下裙紫衣爲上襦行者見羅敷下擔捋髭鬚少年見羅敷脫帽著帩頭耕者忘其犁鋤者忘其鋤來歸相怨怒但坐觀羅敷使君從南來五馬立踟躕使君遣吏往問是誰家姝秦氏有好女自名爲羅敷羅敷年幾何二十尙不足十五頗有餘使君謝羅敷甯可共載不羅敷前致詞使君一何愚使君自有婦羅敷自有夫東方千餘騎夫婿居上頭何用識夫婿白馬從驪駒青絲繫馬尾黃金絡馬頭腰中鹿盧劍可直千萬餘十五府小吏二十朝大夫三十侍中郎四十專城居爲人潔白晢鬢鬢頗有鬚盈盈公府步冉冉府中趨

坐中數千人皆言夫壻殊陳顧野王詩東隅麗春日
南陌採桑時樓中結梳罷提筐候早期風輕鶯韻緩霜
灑落花遲五馬光長陌千騎絡青絲使君徒遣信賤妾
畏蠶饑陳陳傳緯詩羅敷試採桑出入城南旁綺裙
映珠珥絲繩提玉筐度身攀葉聚聳腕及枝長空勞使
君問自有侍中郎後魏高允詩邑中有好女姓秦字
羅敷巧笑每回盼鬢髮復凝膚脚著花紋履耳穿明月
珠頭作墮馬髻倒枕象牙梳娉娉善趨走檐檐曳長裙
王侯爲之顧駟馬自踟躕唐李白詩美女渭橋東春
還事蠶作立馬如飛龍青絲結金絡不知誰家子調笑
來相謔妾本秦羅敷玉顏豔名都綠條映素手採桑向
城隅使君且不顧况復論秋胡寒蠶愛碧草鳴鳳棲青
梧託心自有處但怪旁人愚徒令白日暮高駕空踟躕
趙嘏詩南陌採桑出誰知妾姓秦獨憐傾國貌不負
早鶯春珠履蕩花溼籠鉤折桂
新使君那駐馬自有侍中人

三國魏

清河王經母

經仕魏爲江夏太守忤曹爽棄官歸母問
歸狀經以實對母以經典兵馬而擅去乃

對送吏杖經五十爽聞不復罪經母嘗謂經曰汝田家子今仕至二千石物太過不祥可以止矣經不能從後坐高貴鄉公事被繫辭母母顏色不變慨然應曰人誰不死往所以止汝者恐不得所也以此畢命何恨之有

三國志夏侯尚

傳參漢晉春秋

晉

易陽劉遐妻冀州刺史邵續女

遐妻驍果有父風遐嘗為石季龍所圍妻單將

數騎拔遐出於萬眾之中及田防等欲為亂遐妻止之不從乃密起火燒甲仗都盡

晉書劉遐傳

列人烏桓魯利妻

慕容農奔列人止於烏桓魯利家為置饌農歎而不食利謂其妻曰惡奴

郎貴人家貧無以饌之奈何妻曰郎有雄才大志今無故而至必將有異非為飲食來也君亟出遠望以備非常利從之農謂利曰吾欲集兵列人以圖恢復君能從我游乎利曰死生惟郎是從於是招集士馬共圖代苻丕之策卒破秦兵於列人

太平寰宇記參肥鄉志

北魏

清河房愛親妻崔氏同郡崔元孫女

氏性嚴明高尚歷覽書傳多所聞知

子景伯景光崔氏親授經義學行修明並為當世名士景伯為清河太守每有疑獄常先請焉貝邱民列子不孝吏欲案之景伯為之悲傷入白其母母曰吾聞聞不如見山民未見禮教何足責哉但呼其母來吾與之同居其子置汝左右令其見汝事吾或應自改景伯遂召其母崔氏處之於榻與之共食景伯為之溫清其子侍立堂下未及旬日悔過求還崔氏曰此雖顏慚未知心愧且可置之凡經二十餘日其子叩頭流血其母涕泣乞還然後聽之終以孝聞其識度厲物如此竟以壽終 魏書列女傳

司馬景和妻孟氏字敬訓清河人

年十七作嬪於司馬氏奉舅姑以恭孝接

娣姒以謙慈又性鮮妒忌恩逮小星故能慶顯螽斯五男三女義方之誨既形幽閑之教亦著春秋冊有二以延昌二年六月二十日癸卯遘疾薨於壽春頌云穆穆夫人乘和誕生蘭蕤蕙糅玉潤金聲令聞在室徽音事

庭芳字洪烈範古流名如何不淑早世俱傾
思聞後葉刊石題誠 北魏王昶撰墓誌銘

唐

宋廷棻女若昭貝州清陽人廷棻能詞章生五女皆警

若倫若憲若荀莘昭文尤高性皆素潔鄙薰澤靚妝不願歸人欲以學名家若莘誨諸妹如嚴師著女論語十篇大抵準論語以韋宣文君代孔子曹大家等爲顏冉推明婦道所宜若昭又爲傳申釋之貞元中昭義節度使李抱真表其才德宗召入禁中試文章問經史大誼帝咨美悉留宮中帝能詩每與侍臣賡和五人者皆預高其風操不以妾侍命之呼學士擢其父饒州司馬習藝館內教賜第一區元和末若莘卒贈河內郡君自貞元七年秘禁圖籍詔若莘總領穆宗以若昭尤通練拜尚宮嗣若莘所職后妃與諸王主率以師禮見寶曆初卒贈梁國夫人若憲代司秘書文宗尤禮之太和中李訓鄭注用事惡宰相李宗閔譖言因駙馬都尉沈義厚賂若憲求執政帝怒若憲賜死家屬徙嶺南訓注敗帝悟其讒追恨之若倫若荀早卒 唐書宋若昭傳

張谷侍人李新聲邯鄲人李嚴女

谷佐昭義節度使劉從諫從諫潛圖窺脅

新聲諫谷曰始天子以從諫爲節度非有戰野攻城之功直以其父挈齊十二州還天子去就間未能奪其嗣耳自有澤潞未間以一縷一蹠爲天子壽左右皆無賴章武朝數鎮顛覆皆雄才傑器尙不能固天子恩况從諫擢自兒女手中苟不以法得亦宜以不法終君當脫族西去大丈夫勿顧一飯恩以骨肉腥健兒食言訖悲涕谷不決者三月畏言泄縊之後果以附逆誅如其言唐書劉悟傳兼採邯鄲志

宋

趙氏貝州人

父嘗舉學究王則反聞趙氏有殊色使人劫致之欲納爲妻趙日號哭謾罵求死賊

愛其色不殺多使人守之趙知不脫乃給曰必欲妻我宜擇日以禮聘賊信之使歸其家家人懼其自殞得禍於賊益使人守視賊具聘帛盛輿從來迎趙與家人訣曰吾不復歸此矣問其故答曰豈有爲賊汙辱至此而尙有生理乎家人曰汝忍不爲家族計耶趙曰第亡患遂涕泣登輿而去至州解舉簾視之已自縊輿中死矣

尚書屯田員外郎張寅傳
趙女詩 宋史列女傳

李若水母張氏

康王為質於金潛歸道經母莊索漿飲母延於家問何來王曰吾為商磁相間

為金兵劫虜故至此母曰君非商旅也適有金騎來追問康王吾給之曰過此兩日矣追吏舉鞭擊鞍歎息去因進酒食王問其姓氏泣而不言再三詰之曰妾子李若水也已死金軍吾兒得為忠臣妾不恨矣聞磁相在邇有宗澤在焉食足兵強天下事尚可為也幸大王勉之因出金銀數兩以獻相泣而別 康熙志

元

劉氏名淑貞

通志作淑真誤

宗城人

淑貞幼有志操許聘李御史子未歸夫病卒泣告父

母欲送夫殯遂披髮號泣送至塋所時林木茂密忽於豕後自縊死越三日合葬有司以聞旌表 康熙志參

舊志

王賢妻李氏清河人

賢有二子長謙前妻出次義即李產也李愛謙逾於己子義無賴其

徒殺人誤坐謙已誣服李聞急訴義當坐謙得
釋事聞俱釋之旌表
畿輔通志參康熙志

王時妻安氏名正同磁州人平章政事祐孫女

至正十年時

以參知政事分省太原安氏從之二十年賊兵寇太原城陷眾皆逃安氏與其妾李氏同赴井死事聞贈梁國夫人諡莊潔
元史列女傳案舊志及磁州志安氏名正固祐之女與元史歧異

明

永年縣

郝禮妻胡氏

年二十禮卒胡孝事舅姑撫子成立巡撫陳詢為作詩有一節曉霜飛翠竹寸心寒

月湛冰壺之句壽至九十八無疾而卒
舊志參永年志

李貢妻郝氏禮女

年二十三夫亡無子守節至八十三歲卒
康熙志

楊鐸妻郝氏

夫死郝年少無子自縊以殉
畿輔通志

趙奉妻孟氏縣丞孟通女

奉父雲官縣丞奉卒孟年十九人憐其幼或勸之改適孟

曰吾父吾翁皆清白吏吾若再適甯不有玷耶誓死自守年七十餘卒旌表

舊志

郭瑛妻申氏名伴君知府申達女

達官汝甯知府以伴君歸汝甯千戶郭昇

子瑛瑛病篤伴君割臂肉和粥食之及歿剪髮割耳以自矢姑張氏年老遺孤未週歲伴君仰事俯育備極酸辛年三十七卒未及老格於例不得上聞後子興襲職贈宜人

舊志參承年志

胡文舉妻武氏

文舉苦學篝鐙夜讀武紡績與書聲相間課諸子嚴子瓚爲御史當封父母文

舉不受武怡然

畿輔通志

申朝妻王氏

年十七朝死一子亦隨亡苦節七十餘年卒同上

姚朋妻胡氏主簿胡欽女

年二十三朋死無子守節三十餘年卒康熙志兼舊志

張訪妻徐氏

嫁十月而夫亡有遺腹子家甚貧舅姑皆失明徐扶持奉養拮据萬狀竟無虧缺歷

四十餘年卒 畿
輔通志參舊志

宋儒嫡母楊氏

楊生子傑妾趙氏生儒楊愛儒如己出為傑夫婦所忌計欲害之楊曲為保護

儒乃得全後傑全家客死於閩儒傾己產為取歸葬儒中隆慶己卯鄉榜楊壽九十卒 畿輔通志參康熙志

徐銳妾劉氏李氏史氏

銳官同知卒無子三氏皆少勢家謀娶之終不能奪郡守蔣彬

表其閭曰一門
三節 同上

魏明妻張氏

明早喪家貧張勤織紵教子游庠事聞旌表 畿輔通志參永年志

馬出圖妻王氏同知王鍵女

出圖早卒家貧氏奉姑撫子惟紡織茹素以終身

同上

王濤妻李氏

年十九生二女而寡安貧勤織以沒世 畿輔通志

史盛妻王氏

正德間為流賊所執欲污之王罵不從賊怒殺之剖其腹 同上 案肥鄉志亦載

此條舊志列入
永年今從之

翟昭妻侯氏

年十七昭卒遺孤方數月家貧甚父母欲奪之氏斷髮明志守節終身

參舊

志

張文秀妻胡氏

文秀卒欲自盡弗獲有以家貧子弱諷者即斷髮毀面嘉靖七年巡按李朝綱

奏旌

輔通志

冀為梅妻竇氏

事舅姑以孝聞夫病籲天求代夫歿撫孤守貞三十年人無見其面者

張五采妻史氏

夫亡無子誓以死殉族人為立後乃苦節教子三十年卒

王氏民家女

年甫十一與姊同事女紅姊年漸長頗不謹女以厲言禁止不聽憤曰我羞為若所

累遂自投府學井中死有司表其井曰清烈泉

李希顏妻王氏

年十七希顏卒三日不食夜潛起縊死

畿輔通志參舊

志

王廣妻武氏

年十九廣卒武縊死
側事聞被旌 同上

胡養蒙妻段氏

年二十九夫亡遺二孤衣食不給又遭
繼姑張逼令改適氏惟號泣竭盡婦職

二十年六十五歲卒郡守南居益表其門孫福宏
仕至按察使祿宏主事 畿輔通志參永年志

申吉妻李氏

守節六十八年八十七歲卒曾
孫爲憲成進士 畿輔通志

申成妻李氏

成卒子佐方襁褓家貧紡績養姑以孝稱
佐三爲法官李戒以慎刑後官大同巡撫

李封淑人以節孝
旌 畿輔通志

冀有奮妻石氏

夫亡守志聞有密爲納聘
者卽拜墓而縊死 同上

盧機妻張氏

夫死撫孤娶婦生孫無何子婦又俱死張
乃茹荼鞠孫教養兼盡七十八歲卒孫贊

元丙子舉於
鄉 同上

楊守敖妻劉氏

夫死痛哭七日自縊以殉 康熙志

和大金妻張氏

夫歿孤幼舅姑皆老張苦志守節十餘年間翁姑繼逝竭力營葬子毓秀中副

榜 畿輔通志

杜廓繼妻申氏

廓卒前妻遺孤汝亮與二女申撫以守志備極辛勤坐卧一小樓課汝亮讀以

鍼術與俱後亮舉於鄉申乃卒督學表其門 同上

劉尙卿妻孫氏

嚴訓諸子恪守禮法天啟四年孫鏡鑑同舉於鄉越六年長子慶孫亦捷蓋皆

稟承慈教 云 同上

王儼若妻馬氏同知馬之麟女

年十七夫歿守節五十餘年旌表 康熙志

李球妻雞澤人王璽女

許字未嫁崇禎戊寅兵變姑姊謀避女曰死作李氏鬼何

避爲城陷死之兵退面色如生李感其義迎葬先塋時年十四 大清一統志參雞澤志

李之彥妻孟氏

夫卒無子求立嗣不得訟於官官復曲法阻之孟歸而撫棺大慟自刎崇禎八

年旌表

畿輔

通志參舊志

胡廷器妻吳氏

崇禎癸未歸母家值兵至執吳並其父母吳給之曰二親老不如遣去兵許之

吳度去遠即投水兵挽之不得死遂大罵兵怒支解之

大清一統志

韓策二女

姊妹皆及笄戊寅避亂臨沼鎮兵攻城破被執不屈皆遇害

同上

陳良策妻申氏

年二十四夫死家貧無子苦守五十年卒

畿輔通志

趙鐸妻張氏

年十八而寡家值多難尊屬逼令他適張誓死以守月餘遺腹生男後為諸生守節

五十餘年

卒同上

武周妻胡氏

夫死三日胡乘公姑偶出縊死夫柩前

同上

劉廷諫

舊志作廷棟

妻李氏

遇亂被執不從投井死

同上

胡沾愛妻李氏

年十八生子兩月夫卒守節躬勤織爨侍舅姑疾隆冬單衣露禱雖大風雪不

避勵志四十四年卒 同上

張崇溫妻秦氏

溫死踰月遺腹生男貧不能自存或勸他適秦曰縱無子尙當守死况有子乎

苦節撫子成立而卒

畿輔通志參舊志

張崇耿妻武氏

耿病篤與家人訣不及武武大慟曰君以我年少無子將負心耶耿泣而死武

苦志惕勵至五十後喪明又數年卒武與秦爲妯娌稱一門二節云 同上

李杜繼妻方氏妾陳氏

方生子春秦四年而杜卒方教之嚴前子春華春莠皆已知名

督秦率兩兄教後秦成進士居官廉以養薄爲歎方曰汝作廉吏不勝於備物耶杜之妾陳氏年少無子佐方苦守卒年七十秦疏請得與方俱旌表 畿輔通志參永年志

李春秦妾馬氏

甲申流寇敗回春秦及馬西行至宜溝驛馬乘間自縊死 畿輔通志

申化繼妻軒氏

軒生子佳允六歲而化卒軒砥節撫孤

甲申佳允殉國難

軒曰有子作忠臣復何憾年七十卒

先是佳允於戊寅上疏陳孀節狀詔豎坊旌表

畿輔

通志參

永年志

申佳允妻靳氏

父一鶚善相人遇申於途奇之遂以女

軒氏歸自京乃委曲勸慰不敢哭命長子涵光嚴督兩

弟涵煜涵盼閉戶讀書不得干預外事有玷先德後三

子皆知名季子涵盼官翰林從至京感佳允死節處大

勸遂構疾卒同上案靳氏舊志列入國朝今從

通志及縣志

仍列明季

杜貴妻李氏

年二十五夫亡無子苦節

四十餘年卒

畿輔通志

張一點妻周氏

年十八守節至八十

一歲卒

康熙志

胡納玉妻龐氏

年十八夫亡氏數自盡救之甦矢志勵